

Z A P I S N I K

sa sastanka predstavnika općine Vareš i općine Olovo održanog 13.12.2012. godine u prostorijama Općine Olovo, sala Općinskog načelnika, sa početkom u 14⁰⁰ sati

PREDMET: Rasprava o Nacrtu Zakona o šumama Zeničko-dobojskog kantona

PRIJEDLOG 1.

Član 8. stav 3. – Nacrta Zakona o šumama Zeničko-dobojskog kantona (**Projekat za izvođenje radova u šumarstvu**), glasi: *stav 3.; Projekat za izvođenje radova u šumarstvu mogu izrađivati diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja), sa najmanje dvije godine radnog iskustva u struci. Korisnik državnih šuma, odnosno vlasnik privatne šume, određuje lice za izradu projekta za izvođenje radova u šumarstvu.*

- ✓ Promjena u ovom članu bi se odnosila na dio „**najmanje dvije godine staža u struci**“, prijedlog je da se doda sa „**i položenim stručnim ispitom**“. Predlagač smatra da treba da se precizira ko će raditi projekat. Dalje, u članu 8. iza stava 6. predložio je da se dodaju još dva nova stava, koji glase:
 - **Stav (7) gdje korisnik šuma određuje realizatora projekta.** Nigdje nije navedeno, istakao je, ko će biti realizator projekta. Kantonalni zakoni Tuzlanskog i Unsko-sanskog kantona preciziraju da korisnik šuma određuje realizatora projekta, diplomiranog inženjera šumarstva, pa čak i bachelora šumarstva sa položenim stručnim ispitom, koji je odgovoran za stručno izvođenje radova po projektu za izvođenje.
 - **Stav (8) Projekat za izvođenje ima trajan karakter i čuva se u arhivi korisnika šuma i vlasnika privatnih šuma.** Obzirom da to uopšte nije navedeno u Nacrtu Zakona, a i u Federalnom Zakonu je to čak naloženo, smatramo da treba da bude i u kantonalnom.

PRIJEDLOG 2.

Član 9. stav 2. – Nacrta Zakona o šumama Zeničko-dobojskog kantona. (**Doznaka stabala za sječū**), glasi: *stav 2.; Doznaku stabala za sječū može vršiti diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), sa najmanje dvije godine radnog iskustva u struci kojeg odredi korisnik državnih šuma za državne šume, a za privatne šume Kantonalna uprava za šumarstvo, odnosno pravno lice registrirano za obavljanje poslova u šumarstvu.*

Doznaku stabala za sječū može da vrši inženjer sa radnim iskustvom u struci sa najmanje dvije godine, smatramo da treba da bude i sa položenim stručnim ispitom. Prijedlog se odnosi na stav (2): „**Doznaku stabala za sječū može vršiti diplomirani inženjer šumarstva, odnosno master diplomirani inženjer šumarstva, sa položenim**

stručnim ispitom kojeg odredi korisnik državnih šuma za državne šume, a za privatne šume Kantonalna uprava za šumarstvo, odnosno pravno lice registrirano za obavljanje poslova u šumarstvu“.

PRIJEDLOG 3.

Član 12. – Nacrta Zakona o šumama Zeničko-dobojskog kantona.

(Tehnički prijem radova), glasi: stav 1.; *Tehnički prijem radova izvedenih po projektu za izvođenje radova u šumarstvu vrši Komisija za tehnički prijem radova, koju za državne šume formira korisnik državnih šuma i šumskog zemljišta, a za privatne šume Kantonalna uprava za šumarstvo ili pravno lice registrirano za obavljanje poslova u šumarstvu.*

Predlažemo da se ispred stava 1. treba dodati novi stav: **„Za izvedene radove po projektu za izvođenje vrši se tehnički prijem radova, a najkasnije u roku od 30 dana od dana okončanja radova“.** Nigdje u Zakonu nije propisano kad se radi tehnički prijem radova, rok mora biti preciziran, odnosno, kad se tehnički prijem radova mora odraditi za neki izvođački projekat.

Dosadašnji stav 1. postaje stav 2.. U stavu 2., odnosno, po novom u stavu 3. prijedlog se odnosi na članove komisije.

Stav 2.; *Komisija iz stava (1) ovog člana sastoji se od tri člana. U sastav Komisije obavezno ulazi diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja) koji je izradio projekat za izvođenje radova u šumarstvu, diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), predstavnik Kantonalne uprave za šumarstvo, a treći član može biti diplomirani biolog ili diplomirani inženjer zaštite okoline, kao i diplomirani inženjer šumarstva. Tehnički prijem radova pošumljavanja vrši se poslije dvije godine od završetka njihovog izvođenja.*

Prelažemo **„Komisija za tehnički prijem radova sastoji se od tri člana u koju obavezno ulaze diplomirani inženjer šumarstva/master šumarstva koji je izradio projekat za izvođenje radova, a ostala dva člana čine diplomirani inženjer šumarstva/master šumarstva, predstavnici Uprave za šumarstvo sa položenim stručnim ispitom“** . Predlagač smatra da nema boljeg biologa od šumara, smatra da nema potrebe da se angažuje biolog iz Kantonalne uprave.

Nadalje se predlaže da se iza stava 3. treba dodati sljedeće: **„Ako se prilikom tehničkog prijema utvrdi da radovi nisu izvršeni u skladu sa projektom za izvođenje, korisnik šuma, odnosno vlasnik šuma, je dužan utvrđene nedostatke otkloniti i radove izvršiti u roku koji odredi komisija. Nakon isteka roka komisija vrši ponovni pregled“**

Smatramo da se tehnički prijem radova pošumljavanja-kolaudacija trebaju precizirati na sljedeći način: **„Tehnički prijem radova pošumljavanja (kolaudacija) vrši se poslije dvije godine od završetka njihovog izvođenja“**

Sljedeći stav koji se predlože je: „**O izvršenom tehničkom prijemu izvedenih radova, komisija sačinjava zapisnik u kojem se obavezno konstatuje uspjeh, obim i kvalitet izvršenih radova po projektu za izvođenje. Svi izvršeni radovi i nalaz komisije evidentiraju se u propisane knjige evidencije**“.

Nakon predloženih izmjena član 12. bi u konačnici glasio:

Stav 1. Za izvedene radove po projektu za izvođenje, vrši se tehnički prijem radova, a najkasnije u roku od 30 dana od dana okončanja radova.

Stav 2. Tehnički prijem radova izvedenih po projektu za izvođenje radova u šumarstvu vrši Komisija za tehnički prijem radova, koju za državne šume formira korisnik državnih šuma i šumskog zemljišta, a za privatne šume Kantonalna uprava za šumarstvo ili pravno lice registrirano za obavljanje poslova u šumarstvu.

Stav 3. Komisija za tehnički prijem radova sastoji se od tri člana u koju obavezno ulaze diplomirani inženjer šumarstva/master šumarstva koji je izradio projekat za izvođenje radova, realizator projekta koji je odgovoran za stručno izvođenje radova po projektu za izvođenje i jedan diplomirani inženjer šumarstva/master šumarstva predstavnika Uprave za šumarstvo sa položenim stručnim ispitom.

Stav 4. Ako se prilikom tehničkog prijema utvrdi da radovi nisu izvršeni u skladu sa projektom za izvođenje, korisnik šuma, odnosno vlasnik šuma, je dužan utvrđene nedostatke otkloniti i radove izvršiti u roku koji odredi komisija. Nakon isteka roka komisija vrši ponovni pregled.

Stav 5. Tehnički prijem radova pošumljavanja (kolaudacija) vrši se poslije dvije godine od završetka njihovog izvođenja.

Stav 6. O izvršenom tehničkom prijemu izvedenih radova, komisija sačinjava zapisnik u kojem se obavezno konstatuje uspjeh, obim i kvalitet izvršenih radova po projektu za izvođenje.

Stav 7. Svi izvršeni radovi i nalaz komisije evidentiraju se u propisane knjige evidencije.

Stav 8. Primjerak zapisnika Komisije dostavlja se u roku od osam dana od dana završetka pregleda Kantonalnoj upravi za inspekcijske poslove-šumarskom inspektor.

PRIJEDLOG 4.

Član 18. – Nacrta Zakona o šumama na području Zeničko-dobojskog kantona. (Proглаšenje zaštitnih šuma i šuma s posebnom namjenom), predlažemo promjene koje se odnose na stav 2. gdje stoji: *stav 2.: Stručni šumarski elaborat iz stava (1) može izraditi pravno lice iz člana 4. stav (6) ovog Zakona.*

Smatramo da nikakve veze nema ovaj stav 1. sa članom 4. stav 6., nego **to ima veze sa članom 6. stav 6.** ovog Zakona „**a stručni šumarski elaborat u šumarstvu je šumsko-privredna osnova**“. Smatramo da je u pitanju neka tehnička greška u kucanju ili kod prepisivanja.

Predlažemo: **stav 2.: Stručni šumarski elaborat iz stava 1. može izraditi pravno lice iz člana 6. stav 6. ovog Zakona.**

PRIJEDLOG 5.

Član 34. – Nacrta Zakona o šumama na području Zeničko-dobojskog kantona.

(Privatne šume)

Stav 5.; Pod stručnim poslovima iz stava (2) ovog člana podrazumijevaju se doznaka, izrada izvedbenog projekta, primanje i premjeravanje drvne mase, izdavanje otpremnog iskaza, planiranje šumsko-uzgojnih radova, stručni nadzor, stručni savjetodavni poslovi i vođenje evidencija.

Smatramo da „pod stručnim poslovima iz stava 2. ovog člana“ nema nikakve veze sa satavom (2), može biti „iz stava 4. ovog člana“, jer se u stavu 4. govori o stručnim poslovima, pa bi u konačnici stav (5) glasio: **„Pod stručnim poslovima iz stava 4. ovog člana podrazumijevaju se doznaka, izrada izvedbenog projekta, primanje i premjeravanje drvne mase, izdavanje otpremnog iskaza, planiranje šumsko-uzgojnih radova, stručni nadzor, stručni savjetodavni poslovi i vođenje evidencija“.**

Stav 6.; Naknada iz stava (3) ovog člana iznosi najviše 10 % od cijene na panju posječenih šumskih drvnih sortimenata po cjenovniku šumskih proizvoda koji donosi privredno društvo uz prethodnu saglasnost Ministarstva.

Predlažemo: u stavu 6. se briše „iz stava (3) i dodaje iz stava (4) ovog člana, naknada se spominje u stavu 4, a ne u stavu 3, pa bi u konačnici stav 6 glasio: **„Naknada iz stava 4. ovog člana iznosi najviše 10 % od cijene na panju posječenih šumskih drvnih sortimenata po cjenovniku šumskih proizvoda koji donosi privredno društvo uz prethodnu saglasnost Ministarstva“.**

Stav 8.: Kantonalna uprava za šumarstvo ili pravno lice za obavljanje stručnih poslova u šumarstvu dužni su voditi evidencije o izvršenim radovima i provedenim mjerama predviđenim kantonalnim šumsko razvojnim planom, šumsko privrednom osnovom i projektom za izvođenje. Podaci predviđeni evidencijama moraju se evidentirati za proteklu godinu najkasnije do 28. februara tekuće godine.

Stav 9.: Za privatne šume projekat za izvođenje izrađuje se u skladu sa odredbama člana 6. ovog Zakona i donosi ga Kantonalna uprava za šumarstvo ili pravno lice za obavljanje stručnih poslova u šumarstvu na koje su preneseni stručni poslovi.

Stav 10.: Ministar donosi pravilnik kojim se propisuje način i oblik vođenja registra evidencija iz stava 8. ovog člana.

Predlaže se da stavovi 8. i 9. treba da se brišu, a stav 10. da se „isiječe“ iz ovog člana i „zalijepi“ kao stav 2. u sklopu člana 36. Smatramo da je skladnije da iza dobro opisanog obrazloženja o vođenju evidencije o izvršenim radovima u šumarstvu u članu 36. ovog Zakona treba da slijedi pravilnik o vođenju registra kojeg propisuje Ministar.

Objasnjavamo da se stav 8. briše iz razloga što je u članu 36. ovog Zakona rečeno o načinu vođenja evidencije o izvršenim radovima, kako u državnim, tako i u privatnim šumama, što je sasvim dovoljno i precizno. Stav 9. se briše zato što je u članu 6., a posebno u članu 8. ovog Zakona, detaljno rečeno o načinu izrade projekta za izvođenje.

PRIJEDLOG 6.

Član 35. – Nacrta Zakona o šumama na području Zeničko-dobojskog kantona. **(Prenošenje poslova gospodarenja državnim šumama)**, glasi:

Stav 1 Na području Kantona posluje Kantonalno šumsko-privredno društvo (korisnik državnih šuma).

Stav 2 Ministarstvo ugovorom prenosi poslove gospodarenja državnim šumama i šumskim zemljištem korisniku državnih šuma i šumskog zemljišta, a posebno: izradu šumskoprivrednih osnova, izradu privremenih godišnjih planova gospodarenja, izradu godišnjih planova gospodarenja, izradu projekata za izvođenje radova u šumarstvu i njihovu realizaciju, projektovanje, izgradnju, rekonstrukciju i održavanje šumske infrastrukture, prometa šumskih drvnih sortimenata i nedravnih šumskih proizvoda, izvršavanje programa i planova biološke obnove šuma, provođenje mjera zaštite šuma, proizvodnje i prometa šumskog sjemena, šumskog i ukrasnog sadnog materijala, izvršavanje planova korištenja nedravnih šumskih proizvoda, realizaciju planova razvoja šumarstva i mjera racionalizacije u šumarstvu, ostale poslove, zadatke i odgovornosti u skladu sa ugovorom.

Stav 3. Korisnik državnih šuma i šumskog zemljišta obavezan je šumske drvene sortimente prodavati po tržišnim uslovima i cijenama.

Stav 4. Korisnik državnih šuma i šumskog zemljišta ne može prenositi na treća lica prava koja proističu po osnovu vlasništva.

Predlažemo izmjene u članu 35. Koje se odnose na na sljedeće: u članu 35. iza stava 1. dodaju se riječi jedno ili više i dodaju se **nova tri stava**, a pri tome dosadašnji stavovi **2., 3. i 4. postaju stavovi 5., 6. i 7.** Novi stavovi bi glasili:

Stav 1 Na području kantona posluje jedno ili više kantonalno šumskoprivrednih društava (korisnik državnih šuma)

Stav 2. Skupština Zeničko-dobojskog kantona, na prijedlog Vlade Kantona, uz prethodno pribavljeno mišljenje Ministarstva, a na inicijativu općine/općina, može donijeti odluku o osnivanju više kantonalnih šumsko-privrednih društava.

Stav 3. Općina/općine uz inicijativu iz stava 2. ovog člana, prilaže stručni elaborat o opravdanosti formiranja više kantonalnih šumsko-privrednih društava, koji mora izraditi visoko-školska ili naučno-istraživačka ustanova iz oblasti šumarstva.

Stav 4. Minimalna teritorija kojom može gospodariti jedno Javno preduzeće tj. šumsko-privredno društvo je na nivou jednog ili više ŠGP (šumsko gospodarskih područja).

Objašnjenje: Smatram da je na ovaj način zadovoljeno pravo lokalne samouprave, odnosno općine da u punom smislu riječi vodi brigu o svojim prirodnim bogatstvima i da aktivno učestvuje u kreiranju pozitivnih smjernica razvoja iste. Ovo je ujedno i zadovoljenje onog dijela zakona kojim je bilo povrijeđeno pravo općina na lokalnu samoupravu, po presudi Ustavnog suda FBiH.

PRIJEDLOG 7.

Član 36. – Nacrta Zakona o šumama na području Zeničko-dobojskog kantona.

(Vođenje evidencija o izvršenim radovima), glasi: *Korisnik državnih šuma i šumskog zemljišta, za državne šume i šumsko zemljište, Kantonalna uprava za šumarstvo ili pravno lice registrirano za obavljanje poslova u šumarstvu, za privatne šume i šumsko zemljište, dužni su voditi evidenciju o izvršenim radovima i provedenim mjerama predviđenim šumsko razvojnim planom, šumsko-privrednom osnovom, privremenim godišnjim planom gospodarenja, godišnjim planom gospodarenja i projektom za izvođenje radova u šumarstvu. Podaci se evidentiraju za proteklu godinu i dostavljaju Kantonalnoj upravi najkasnije do 28. februara tekuće godine za prethodnu godinu.*

Predlažemo sljedeće izmjene u članu 36. : U članu 36. sve rečeno predstavlja stav 1.. Iza stava 1. predlaže stav 2. koji je bio stav 10. u sklopu člana 34. Stav 2. bi glasio: **„Ministar donosi pravilnik kojim se propisuje način i oblik vođenja registra evidencija iz stava 1. ovog člana“.**

PRIJEDLOG 8.

Član 36. – Nacrta Zakona o šumama na području Zeničko-dobojskog kantona.

(Naknada za korištenje državnih šuma) Izdvajanje naplate za Federaciju BiH, kanton i općinu nije sporno, samo da se usaglasi procentualno učešće

PRIJEDLOG 9.

Član 40. – Nacrta Zakona o šumama na području Zeničko-dobojskog kantona.

(Stručni šumarski ispit), glasi: *stav 1.: Za obavljanje stručnih poslova u šumarstvu polaže se stručni šumarski ispit i mogu ga polagati diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja), sa najmanje dvije godine radnog iskustva u struci nakon sticanja zvanja diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja), pred nadležnim federalnim organom.*

U zadnjem pasusu piše da se za obavljanje stručnih poslova u šumarstvu polaže stručni šumarski ispit „pred nadležnim federalnim organom“. **Smatramo da nema potrebe da stoji pred nadležnim federalnim organom, nego pred nadležnim kantonalnim organom.** Nejasno je, kod kojeg bi se to federalnog organa polagao stručni ispit, odnosno stekao licencu za obavljanje stručnih poslova, kada se zakon donosi na nivou kantona i ne postoji Federalni zakon o šumama. Upitno je, i pred kojim kantonalnim organom će se

ispit polagati, ko je licenciran da može biti ispitivač. Smatramo da treba precizirati „ko je ispitivač“ kod polaganja stručnog ispita.

Predlaže se dodavanje stava 3. i predlaže se da glasi „**Ministar donosi pravilnik o uslovima i načinu polaganja stručnog šumarskog ispita**“

PRIJEDLOG 10.

Član 41. – Nacrta Zakona o šumama na području Zeničko-dobojskog kantona. (**Izdvajanje šuma iz šumskoprivrednog područja**), u stavu 2 dodati iza riječi nepodesnih za pošumljavanje i u svrhu intenzivnog razvoja turizma (izgradnja sportsko-turističkih kompleksa)

PRIJEDLOG 11.

Članovi 47., 56., 60. i 61. Nacrta Zakona o šumama na području Ze-do kantona.

U Nacrtu Zakona o šumama na području Zeničko-dobojskog kantona, u **članovima 47., 56., 60. i 61.**, ima dosta gramatičkih grešaka, mišljenja je da treba abecedno uskladiti taksativno navedene poslove. Navodi primjer: obilježje (q) nije sastavni dio abecednog reda, takođe se predlaže da u **članu 47** Kantonalna uprava za šumarstvo – za postojanost preduzeća samo da svoj opis poslova zadovolji kako je navedeno u opisu poslova

PRIJEDLOG 12.

Član 49. – Nacrta Zakona o šumama na području Zeničko-dobojskog kantona. (**Izvori namjenskih sredstava**), glasi:

Stav 1. Radi ostvarivanja općeg interesa i dugoročnih ciljeva održivog gospodarenja šumama i šumskim zemljištem utvrđenih šumskoprivrednim osnovama, prikupljaju se finansijska sredstva za zaštitu i unaprijeđenje stanja postojećih i podizanja novih šuma i ruralni razvoj.

Stav 2. Sredstva iz stava (1) ovog člana, obezbjeđuju se iz naknada:

- a) za obavljanje stručnih poslova u privatnim šumama iz člana 34. stav (2) ovog Zakona;*
- b) za korištenje državnih šuma i šumskog zemljišta iz člana 37. ovog Zakona;*
- c) za izdvajanje šuma iz šumskoprivrednog područja iz člana 41. stav (3) ovog Zakona;*
- d) za krčenje šume iz člana 42. stav 6. ovog Zakona;*
- e) od zakupa državnih šuma i šumskog zemljišta iz člana 44. stav (2) ovog Zakona;*
- f) po osnovu prava služnosti iz člana 45. stav (3) ovog Zakona;*
- g) za općekorisne funkcije šuma iz člana 51. ovog Zakona;*
- h) sredstva po osnovu naknada šteta pričinjenih državnim šumama iz člana 9. stav 6 ovog Zakona;*
- i) ostalih izvora u skladu sa ovim Zakonom i drugih izvora.*

Stav 3. Sredstva iz stava (2) ovog člana, predstavljaju namjenska sredstva i uplaćuju se u Budžet Kantona, izuzev sredstava utvrđenih članom 50. stav (1) tačke (a) i (c).

Stav 4. Ministar, uz prethodno pribavljeno mišljenje federalnog ministra finansija, donosi Uputstvo o načinu obračunavanja, rokovima i postupku plaćanja naknada propisanih ovim Zakonom, i uplatnim računima na koje se usmjeravaju sredstva, kao i o obliku i sadržaju obrasca za obračun naknada iz stava (2), tačka b) i g) ovog člana.

Stav 5. Ministar, na prijedlog Kantonalne uprave, donosi odluku o iznosu naknade iz stava (2) tačka a) ovog člana.

Predlažemo: u stavu 3. koji se odnosi na uplaćivanje sredstava **izbacuje se tačka (c), a tačka (a) se mijenja sa tačkom (b)**. Smatra da se treba mijenjati način rasporeda uplata sredstava na račun kantona i općine.

Pojašnjenje: **član 50. stav 1.** odnosi se na uplaćivanje sredstava (a), (b) i (c), stavovi (a), (b) i (c) se brišu i zamjenjuju novim;

- a) **2,0 % na račun budžeta Kantona,**
- b) **5,0 % na namjenski račun općine na čijoj teritoriji se ostvaruje prihod,**

Smatramo da se na račun budžeta Federacije ne treba uplaćivati ništa, pa se automatski ovaj prethodni član 49. povezuje sa ovim članom, jer izbacuje tačku (b), gdje je fond za općinu.

PRIJEDLOG 12.

Član 50. – Nacrta Zakona o šumama na području Zeničko-dobojskog kantona. (Uplata naknade za korištenje državnih šuma i šumskog zemljišta), glasi:

Stav 1. Naknada za korištenje državnih šuma i šumskog zemljišta iz člana 37. ovog Zakona obračunava se od prihoda od drveta računajući cijenu drveta na panju i prihoda ostvarenog od nedravnih šumskih proizvoda i uplaćuje se:

- a) *1,0 % na račun budžeta Federacije,*
- b) *1,0 % na račun budžeta Kantona,*
- c) *5,0 % na namjenski račun općine na čijoj teritoriji se ostvaruje prihod.*

Stav 2. Naknada iz stava (1) ovog člana uplaćuje se po ostvarenom prihodu, tromjesečno i po završnom godišnjem računovodstvenom izvještaju.

Stav 3. Kontrolu obračuna i uplate naknade iz stava (1) ovog člana vrši šumarski inspektor.

Stav 4. Ako obveznik plaćanja naknade ne obračuna ili ne uplati naknadu iz stava (1) ovog člana na način propisan u stavu (1) ovog člana, šumarski inspektor koji je izvršio kontrolu uplate sredstava, po pravosnažnosti i izvrsnosti rješenja o uplati sredstava koje je ispostavio obvezniku, podnosi nadležnom sudu prijedlog za prinudno izvršenje ove novčane obaveze.

Predlažemo da ovaj član treba da glasi:

- (1) **Naknada za korištenje državnih šuma i šumskog zemljišta iz člana 37. ovog Zakona obračunava se od prihoda od drveta računajući cijenu drveta na panju i prihoda ostvarenog od nedravnih šumskih proizvoda i uplaćuje se:**

- a) 2,0 % na račun budžeta Kantona**
- b) 5,0 % na namjenski račun općine na čijoj teritoriji se ostvaruje prihod.**

U obrazloženju koje je sastavni dio ovog Nacrta Zakona o šumama, u poglavlju XI Ekonomske funkcije šume, kako je istakao, uopće nije navedeno izdvajanje 1% za budžet Federacije, nego je navedeno 2% na budžet Kantona. U Nacrtu Zakona je 1% na budžet Federacije i 1% na budžet Kantona. Obzirom da je Kanton sa općinom nadležan za provođenje odredaba ovog Zakona to ujedno i predstavlja dodatni razlog da se sredstva uplaćuju samo na budžet Kantona i općine. U prilog ide i činjenica da se Kanton nije vodio nikakvim odredbama Federalnog nivoa.